



Inatsisartunut ilaasortaq
Isak Johannessen, Naleraq
/Maani

Timmisartumik annaassiniartarnerit pillugit § 37 naapertorlugu apeqquteqaammut nr. 234-2025-mut akissut

Asasara Isak Johannessen,

Inatsisartut suleriaasianni § 37 naapertorlugu timmisartumik annaassiniartarnerit
pillugit Naalakkersuisunut apeqquteqaateqarputit.

1. Silaannakkut Inunnik annaassiniaanermi qanoq sivisutigisoq atorneqassava Kullorsuarmi ajortoqarpat, Upernaviup avannaaniittumi annaassiniaasoqassappat? Imalu ujaasisoqassappat? Tiimit minutsit tamaasa ilanngullugit piffimmut anngunnissamut. (H225 Kangerlussuarmiit).

Akissut: Illersornissaqarfik imatut paasissutissiissuteqarpoq:

"Kalaallit Nunaanni ujaasinermit annaassiniarnermillu kiffartuussineq Issittumi Sakkutooqarfiup Kalaallillu Nunaanni Politiit avillugu suliaraat, Naviair-ip timmisartunik paasissutissiiviat kalerrisaarinermillu kiffartuussinerat oqartussat akornanni qanimut suleqatigiilluni suliarineqartarluni. Issittumi Sakkutooqarfik, annaassiniarnerit ataasiakkaat apeqqutaatillugit, Kalaallit Nunaanni immikkoortoqarput annaassiniarnermut ikuuussinnaasunik. Issittumi Sakkutooqarfiup Illersornissaqarfiup qulimiguulia MH-60R Seahawk umiarsuit ilaanniittoq, alapernaarsuut (CL-604 CHALLENGER) kiisalu Immami sakkutuut umiarsuaat kiisalu Illersornissaqarfiup immikkoortuisa ilaat sumiiffimmiittut apeqqutaatillugit ikiortigisarpai. Illersornissaqarfiup atortuisa saniatigut Issittumi Sakkutooqarfik aamma Air Greenlandip qulimiguulii marluk (H225 aamma H155) attartorsinnaavai, taakkulu akunnerup ataatsip iluani aallartitsisussatut upalungaarsimapput."

Tamatuma saniatigut Illersornissaqarfik imatut paasissutissiissuteqarpoq:

"Illersornissaqarfiup aamma makku ilisimatitsissutigai: "Kangerlussuarmi annaassiniarnissamut upalungaarsimasut timmisartuallu 1 tiimip iluani upalungaarsimasuutinneqarput. Tassa imaappoq kalerrisaarisogarpap qulimiguulik 1 tiimip iluani qangattareersimassaaq."

2. Nunatta Kujataani Narsarmiini nunaqarfiup eqqaani annaassiniaasoqassappat imalu ujaasisoqassappat piffissaq qanoq sivisutigisoq atorneqassava? (H155) Narsarsuaq. Piffimmut tikiunnissamut?

Allakkap ullua: 12-03-2026
Suliap normua: 2025 - 27033
Allagaatip ilisarnaataa:
26085971

Postboks 1614
3900 Nuuk
Oq.: (+299) 34 50 00
Fax: (+299) 34 54 10
E-mail: pan@nanaoq.gl
www.naalakkersuisut.gl

Akissut: Illersornissaqarfik imatut paasissutissiissuteqarpoq:

"Illersornissaqarfik imatut ilisimatitsissuteqarpoq:
"Kujataani (Narsarsuarmi) qulimiguulimmik
annaassiniarnissamut upalungaarsimasut piffissami
08.00 - 16.00-p akornanni akunnerup ataatsip iluani
upalungaarsimasarput. Tassa imaappoq
kalerrisaarisooqarpat qulimiguulik 1 tiimip iluani
qangattareersimassaaq.

Upalungaarsimasut aamma Kujataani angallannermut
ilaatillugu atorneqartarpoq. Tamatuma kingunerisarpaa
upalungaarsimasut angallanneqartut
niusittariaqarnerannik kiisalu sulisut sinnerit (pilot
aamma hoistoperator) Narsarsuarmut aasariaqartarpat,
taassuma kingorna upalungaarsimasut
aallartitsinissamut piareertarlutik.

Piffissap 08.00 - 16.00 avataani upalungaarsimasut
allamik suliaqartarput. Piffissami tassani
Kangerlussuarmi qulimiguulik upalungaarsimasooq
Kujataani sullissisarpoq.

Qulimiguulimmik upalungaarsimasut Narsarsuarmiit
Narsarmiinut aallarunik 1 tiimi 30 minutsillu missaannik
timmisarput. Taamaalilluni qulimiguulimmik
upalungaarsimasut 2 tiimit 30 minutsillu missaat
qaangiuppat apuussimassapput.

Qulimiguulimmik upalungaarsimasut Kangerlussuarmiit
Narsarmiinut aallarunik 5 tiimit missaannik timmisarput.
Taamaalilluni qulimiguulinnik upalungaarsimasut 6
tiimit missaata iluani apuutissapput Nuummi aqqutaani
orseqqaarlutik."

**3. Nunatta kangiani (Tunumi) Ittoqqortoormiut eqqaanni silaannakkut
annaassiniaasoqassappat imalu ujaasisoqassappat qanoq sivisutigisoq
atorneqassava? Piffimmum tikiunnissamut. (H225).**

Akissut: Illersornissaqarfik imatut paasissutissiissuteqarpoq:

"Illersornissaqarfik imatut ilisimatitsissuteqarpoq:
"Kangerlussuarmi annaassiniarnissamut
upalungaarsimasut timmisartuallu 1 tiimip iluani
upalungaarsimasuutinneqarput. Tassa imaappoq
kalerrisaarisooqarpat qulimiguulik 1 tiimip iluani
qangattareersimassaaq.

Kangerlussuarmiit Ittoqqortoormiinut ungasissusaa
pissutaalluni amerlasuutigut Islandimit ikiorneqarnissaaq
pitsaanerusarpoq. Issittumi Sakkutooqarfik Icelandic

Coast Guardimut (ICG) Search & Rescue-mik isumaqatigiissuteqarpoq.

Sila ajunngippat Kangerlussuarmi qulimiguulik Tunumi Kulusuk aqqusaarlugu 7 tiimit 45 minutsillu missaat qaangiukkaangata Ittoqqortoormiitut pisinnaasarpog. Tassunga Kulusummi orsersorluni piffissaq ilanngunneqassaaq. Taamaalilluni qulimiguulimmik upalungaarsimasut 8 tiimit 45 minutsillu missaat qaangiuppat apuussimassapput.

Tunumi Kulusukkoorsinnaanngikkaanni qulimiguullip Islandimi Isafjordur aqqusaqqaartariaqassavaa. Nalunaarutigineraniit akunnerit 9-10-t missaannissaaq. Taamaalilluni Kangerlussuarmut qulimiguulimmik upalungaarsimasut Ittoqqortoormiitut akunnerit 10-11-t ingerlanneranni tikiussinnaapput.

Tunumi timmisartuliisoqassagaluarpog pissutsit allat soorlu orsersornerit inuttallu qasuersaartarnissaat timmisartuliinissamut piffissamut sunniuteqassapput.”

4. Umiatsiaararsortut qassit aalisartuuppat piniartuuppat avannaani?

Akissut: Kalaallit Nunaata avannaani (Qaanaamiit Kangaatsiamut eqqaannullu): Umiatsiaaqqat nalunaarsorneqarsimasut 3145-t

5. Umiatsiaararsortut qassit kujataani aalisartuuppat piniartuuppat?

Akissut: Kalaallit Nunaata kujataani (Paamiuniit Nanortalimmut eqqaannullu): Umiatsiaaqqat nalunaarsorneqarsimasut 547-t

6. Nunatta Kangiani (Tunu-mi) Umiatsiaararsortut aalisartut piniartut qassiuppat?

Akissut: Nunatta Kangiani (Tunumi) (Ittoqqortoormiiniit Tasiilamut eqqaannullu): Umiatsiaaqqat nalunaarsorneqarsimasut 252-it

7. Pigaartuttut isigineqarpa responstid? immami nillertumi annaassiniassagaanni.

Akissut: Aap.

”Pisuni tamani inuunermik navianartorsiorfusuni sukkasuumik qisuariarnissaq pingaaruteqarpoq.”

Illersornissaqarfimmiit saniatigut Illersornissaqarfiup oqaaseqaataanut allanut ilanngussami ilanngunneqarsimavoq: 2025-mi Issittoq kiisalu Atlantikup Avannaa pillugit immikkuualuttunik illersornissamut 2024-2033-mi isumaqatigiissummi ilaatinneqartut oqaatigineqarpoq, ilaatigut Issittumi

umiarsuarnik THETIS-itut ittunik tallimanik nutaanik taartissanik aalajangiisoqarluni. Aamma Kalaallit Nunaanni ujaasinermut annaassiniarnermullu suliniutit nukittorsarnissaannut ilaqutaasussanik suliniutinik arlalinnik aalajangiisoqarpoq, matumanilu Issittumi Sakkutooqarfiup nukittorsarnissaa, aallartitsisussanik attaveqaatinillu nukittorsaasussanik, qaammataasakkut attaveqaatinik nukittorsaasussanik, ujaasinerni droninik atuisinnaanermik kiisalu Issittumi Sakkutooqarfimmi Tunngaviusumik ilinniarfimmi ilinnialersussanik amerlanernik aallartitsinernik, taamaalilluni amerlanerit annaassiniarnernik upalungaarsimanermillu suliassanik suliaqarsinnaalerniassammata.

Inussiarnersumik inuulluaqqusillunga


Peter Borg